



Broj: 16-12-16-6218-~~6~~ /24
I. Sarajevo, ~~14. 09.~~ 2024. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 69. stav (2) tačka d), člana 70. st. (1), (2), (4) i (6) Zakona o javnim nabavkama („Službeni glasnik BiH“, broj 39/14, 59/22 i 50/24), na preporuku Komisije za nabavke za potrebe Državne agencije za istrage i zaštitu u 2024. godini broj 16-12-16-6218/24 od 23.09.2024. godine, u postupku javne nabavke usluga održavanja AMLS sistema za potrebe Državne agencije za istrage i zaštitu, direktor Državne agencije za istrage i zaštitu, d o n o s i

ODLUKU

o poništenju postupka javne nabavke usluga održavanja AMLS sistema
za potrebe Državne agencije za istrage i zaštitu

Član 1.

Poništava se postupak javne nabavke usluga održavanja AMLS sistema za potrebe Državne agencije za istrage i zaštitu (u daljem tekstu: Agencija), iz razloga što nije zaprimljena nijedna prihvatljiva ponuda.

Član 2.

Ova odluka se dostavlja ponuđaču u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na internetskoj stranici u Agencija.

Član 3.

Za izvršenje ove odluke zadužuje se Sektor za materijalno-finansijske poslove Agencije.

Član 4.

Ova odluka stupa na snagu danom donošenja.

O b r a z l o ž e n j e

Odlukom broj 16-12-16-6218-1/24 od 20.08.2024. godine, pokrenut je postupak javne nabavke usluga održavanja AMLS sistema za potrebe Agencija, procijenjene vrijednosti 75.000,00 KM bez uračunatog PDV-a, za koji je obavještenje o javnoj nabavci broj 1161-1-2-220-3-69/24 objavljeno na Portalu javnih nabavki 27.08.2024. godine i u „Službenom glasniku BiH“, broj 59/24 od 30.08.2024. godine. Novčana sredstva za realizaciju navedene nabavke obezbijedena su u okviru budžetskih sredstava za 2024. godinu, a na osnovu Zakona o budžetu institucija Bosne i Hercegovine i međunarodnih obaveza Bosne i Hercegovine („Službeni glasnik BiH“, broj 50/24). Za navedeni postupak javne nabavke predviđena je e-aukcija, u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 80/23).

Obzirom da je tačkom 21. Tenderske dokumentacije navedeno da je rok za dostavljanje ponuda 20.09.2024. godine do 12,00 sati, te da se ponude dostavljaju u zatvorenoj kovrti, Komisija je dana 20.09.2024. godine u 13,00 sati izvršila javno otvaranje ponuda.

Blagovremeno je dostavljena ukupno jedna ponuda i to:

R/B	Naziv ponuđača	Ponuđena cijena bez uračunatog PDV-a
1.	„PING“ d.o.o. Sarajevo	75.000,00 KM

Komisija je nakon otvaranja ponude u smislu člana 63. st. (5) i (6) Zakona o javnim nabavkama („Službeni glasnik BiH“, br. 39/14, 59/22 i 50/24) (u daljem tekstu: Zakon), sačinila Zapisnik o otvaranju ponude i isti dostavila ponuđaču. Postupak je dalje nastavljen u smislu pregledanja dokumentacije priložene uz ponudu, a u cilju ocjenjivanja ponuđača, te njegove kvalifikovanosti shodno uslovima navedenim u Tenderskoj dokumentaciji.

Komisija je utvrdila da ponuda ponuđača „PING“ d.o.o. Sarajevo nije prihvatljiva odnosno ne ispunjava kvalifikacione uslove iz tačke 11.3.b Tenderske dokumentacije- (Tehnička i profesionalna sposobnost, član 50. Zakona).

Tačkom 11.3. b Tenderske dokumentacije - (Tehnička i profesionalna sposobnost, član 50. Zakona), propisano je da je ponuđač dužan dostaviti Izjavu da posjeduje Industrijsku sigurnosnu dozvolu za pristup tajnim podacima stepena „POVJERLJIVO“ i više, koju izdaje Ministarstvo sigurnosti Bosne i Hercegovine, u skladu sa članom 15. Zakonom o zaštiti tajnih podataka („Službeni glasnik BiH“, br. 54/05 i 12/09) i Pravilnikom o industrijskoj sigurnosti („Službeni glasnik BiH“, broj 55/17).

Uvidom u ponudu ponuđača „PING“ d.o.o. Sarajevo, Komisija je utvrdila da je navedeni ponuđač dostavio Izjavu od 19.09.2024. godine, u kojoj je naveo da je podnio aplikaciju za produženje važenja Industrijske sigurnosne dozvole za pristup tajnim podacima stepena „POVJERLJIVO“ i više, koju izdaje Ministarstvo sigurnosti Bosne i Hercegovine, u skladu sa članom 15. Zakonom o zaštiti tajnih podataka („Službeni glasnik BiH“, br. 54/05 i 12/09) i Pravilnikom o industrijskoj sigurnosti („Službeni glasnik BiH“, broj 55/17), a ne Izjavu da posjeduje Industrijsku sigurnosnu dozvolu za pristup tajnim podacima stepena „POVJERLJIVO“ i više, koja je tražena Tenderskom dokumentacijom.

Imajući u vidu naprijed navedeno, Komisija ponudu ponuđača „PING“ d.o.o. Sarajevo, nije uzela u dalje razmatranje.

Cijeneći naprijed navedeno, prihvaćena je preporuka iz Izvještaja o radu Komisije, te je odlučeno da se u skladu sa odredbom člana 69. stav (2) tačka d) Zakona, poništi postupak javne nabavke usluga održavanja AMLS sistema za potrebe Agencije, kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od 10 dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama.

DOSTAVLJENO:

- Ponuđač;
- Sektoru za mat.-fin. poslove;
- a/a.

DIREKTOR
GLAVNI GENERALNI INSPEKTOR POLICIJE

Darko Čulum